

Pressemelding

Stavanger, 15. november 2006

Overlege på plass ved nevrokirurgisk på SUS

Frå i morgon vil ein erfaren nevrokirurg frå Haukeland Universitetssjukehus (HUS) vere på plass som overlege ved nevrokirurgisk avdeling ved Stavanger Universitetssjukehus (SUS).

Nestleiar ved den nevrokirurgiske avdelinga ved Haukeland Universitetssjukehus (HUS), Morten Lund-Johansen (47), har sagt ja til å jobbe som overlege i Stavanger dei månadane det kan ta å få ei permanent løysing på plass.

Morten Lund-Johansen har også sagt seg villig til å gå inn i stillinga som avdelingsoverlege når Roald Baardsen har avslutta si oppseiingstid og sluttar i jobben.

Det er Helse Stavanger som tilset i stillingane ved nevrokirurgisk avdeling i Stavanger.

- Eg skal gjere det eg kan for å sikre innbyggjarane i Sør-Rogaland eit fagleg godt og trygt nevrokirurgisk tilbod, seier Morten Lund-Johansen.

Han ber no om arbeidsro for seg sjølv og for nevrokirurgisk avdeling ved SUS.

Jobbar intenst med løysingar

Lund-Johansen skal inn i ein turnus der han jobbar fire dagar + to vakter ei veke, og tre dagar + ei vakt den andre veka. Han skal ikkje jobbe helgevakter.

- Dette er ei god løysing som gir rom og ro til å arbeide mot ei permanent løysing. No er det berre nokre helgevakter vi ikkje har dekt inn, men vi jobbar intenst med å få det også på plass parallelt med den langsiktige løysinga, seier Haldor Slettebø, klinikkleiar på nevroklinikken ved HUS.

Han legg til at to av dei svenske nevrokirurgane som dekkjer 1/3 stilling vil arbeide til litt ut i februar samt at nevrokirurgen som har 2/3 stilling vil arbeide fram til 31. mars i 2007.

I morgon reiser Slettebø og Lund-Johansen til Stavanger for å ha møte med fagmiljøet der.

Løysing for pasientar med baklofen-pumper

Måndag kjem ein nevrolog til Stavanger for å fylle på baklofen-pumpene til fem pasientar. Nevrologen vil då også lære opp personell ved SUS til å gjere dette, slik at det og er andre avdelingar enn nevrokirurgisk som kan gjere dette. Pasientane skal vere sikra eit godt tilbod lokalt også i framtida.

Kontaktpersonar:

Herlof Nilssen, administrerande direktør i Helse Vest, mob. 909 111 30

Haldor Slettebø, klinikkleiar, nevroklinikken ved HUS, mob. 928 19 949

Bjørg Sandal, kommunikasjonsdirektør i Helse Vest, mob. 415 33 807